

DU

Dei' Gebabbl - läßd scho' d' Leicha bibbra
Dei' Gebruddl - läßd Planeda klebbra
Dei' Geknudsche - schmeggd noach daube Niß'
Dei' Gefummel - noach eigschloafne Fiaß..

Dei' Gejodl - uf 'em Goschahobl
Ond dei' Senga - wia a' aldr Opel
Ond dei' Lacha - wia a' roschdigs Blech
Ond dei' Schnaufa - Schweflgschdank ond Pech...

Deine G'schenkla - laudr alde Schonka
Deine Schbrichla - vrloga ond vrschdonka
Deine Äugla - glodzad riegldomm
Deine Haxa - vom Saufa sichlkromm...

Deine Feschdla - Kokaino-G'schichdla
Deine Schbezis - Megamacho-Frichdla
Ond dei' Göschle - isch' a' Affaschand
Arsch ond Ranza - wagglad omanand...

Du bisch' an Haufa Blaschdik
Ond du machsch' Schbadzahirn-Gymnaschdik
Älleweil schdoahsch' du uf Bombaschdik
Du moinsch' du wär'sch COOL - en dei'm Swimming-Pool
Du badesch' en Monete'
Brauchsch' äwwel neie Tapede'
Feiersch' di' affageile Fete'
Du moinsch' du wär'sch COOL - du, du, du?